



**Claudii Fleurii Abbatis Historia Ecclesiastica**

Ab anno Christi 1415. usque ad annum 1431

**Fleury, Claude**

**August. Vind. [u.a.], 1768**

**VD18 90118294**

§. 191. Concilium Salisburgense.

---

[urn:nbn:de:hbz:466:1-66272](#)

Lusitanorum imperio adjunxere, necnon Sæcul. XV.  
Ægidius Annus; qui Christianæ fidei A. C. 1420.  
aditum ad Hesperias, Æthiopes, aliasque  
inaccessas antehac Nationes nunc felici-  
ter inventas, primus aperuit. Postea  
Henricus Dux, ut Lusitanos ad iterata e-  
jusmodi itinera magis accenderet, a sum-  
mo Pontifice Martino V. impetravit, ut  
quicquid Lusitaniæ Reges a Granatensi  
promontorio ad ultimam usque Indiam  
detecturi essent, Lusitanorum ditioni ce-  
deret, fuitque idipsum ab aliis deinde  
Pontificibus confirmatum, ut ex diversis  
eorum diplomatibus elucet.

§. CXI.

*Concilium Salisburgense.*

Sub idem tempus Eberhardus Salisburgi *Lahbe Conc.*  
in Germania Archiepiscopus, in sua <sup>to. 12. p. 380.</sup>  
Metropoli celebravit Synodum, eo fine,  
ut durante schismate pene collapsam mo-  
rum disciplinam restitueret. Omnia er-  
go statuta, quæ antehac Guido, & Joan-  
nes Cardinales ac Sedis Apostolicæ Le-  
gati, necnon Fridericus Conradus, & Pil-  
grinus Eberhardi Antecessores condide-  
rant, denuo confirmata fuere. Præterea  
in hac Synodo triginta quatuor articuli  
promulgabantur, quorum primo tanquam  
erronea damnatur illorum opinio, qui do-  
cent: *Quod Presbyter seu Sacerdos cura-*  
*tus*

**Sæcul. XV.** *tus in peccato mortali existens non possit confidere corpus Christi vel absolvere, eadem damnatione rejicitur eorum error, qui afferunt, Episcopum vel Sacerdotem curatum tali peccato gravatum non posse absolvere Presbyteros fornicarios a fornicationis reatu.* II. Decernitur, *Synodos Provinciales & Diœcesanas celebrandas esse, prout antiquis Canonum Decretis ordinatum.* III. *Consuetudines, quæ gravamen Ecclesiis inducere dignoscuntur, invalidas esse censendas.* IV. *Nullum ad S. Ordines admittendum, nisi recenter confessus fuerit omnia sua delicta idoneo Sacerdoti.* V. & VI. *Omnes illegitime natos ab Ordinibus suscipiendis arcendos.* VII. *Prohibetur, ne Judices inferiores ad superiores appellant* (\*). VIII. *Præcipitur, ut Ecclesiarum Rectores suis Vicariis sufficientem & honestam portionem assignent.* IX. *Nec sine gravi causa aut præter iustitiam sententia interdicti feratur.* X. *Explicantur obligationes Prælatorum in suis visitationibus.* XI. *Capellani in capellis privatorum celeb  
rare*

(\*) Continuator manifeste halucinatus est, nam Canon iste VII. prohibet omnibus superioribus judicibus, ne subditis suis litigantibus coram eis impedimentum præstent, quominus causas suas appellationum ad examen superiorum libere deferre possint.

brare prohibentur, nisi antea Archiepiscopo Sæcul. XV.  
loci obedientiam fecerint manualem. XII. A.C. 1420.

Statuitur, eos, qui absolutionem a censuris per vim extorquerent, ejus fructu privandos. Nec deinceps excusatos haberi, qui ob rerum amissionem, metunt corporis, aut subditi inobedientiam mandatum Prælati exequi detrectarent. XIII.

Minus ullum metum excusare in illis præceptis, quæ in non faciendo considerent. XIV.

Decernitur, cessiones actionum in præsentia Episcoporum seu Officialium suorum esse faciendas, ac a cedentibus jurandum, quod vere cederent. XV. Præscribitur, qualiter citandi sint illi, quos Parochi ob potentiam eorum citare non auderent. XVI.

Innovantur Canones de modestia in habitu Clericorum, & statuitur, ut Religiosi Episcopi suæ Religionis habitum aperte deferant. XVII. Declaratur, Clericos ad foræ sæcularia non esse trahendos. XVIII.

Concubinarios vero beneficiis suis privatos & ad quæcunque assequenda inhabiles esse. XIX. Nullum Clericum ad curam animarum admittendum, nisi prius coram Episcopo juraverit, quod nullam in adeptione sui beneficii commiserit simoniam. XX. A Patronis & beneficiorum collatoribus nullam decimorum &c. partem sibi esse retinendam, sub quocunque obtentu. XXI. Excommunicatos esse, qui ablatum infra mensem non re-  
*Hist. Eccles. Tom. XXVI.* G g resti-

**Sæcul. XV.** restitueret, XXII. si quis prædium suum,  
**A.C. 1420.** cui jus competit Patronatus, cuiquam ob-

ligaverit indistincte, ipsum jus obligasse non censeri. XXIII. Clericis concedendam esse testandi libertatem. XXIV. A Sacerdotibus pro Archiepiscopo defuncto in omnibus Episcopatibus sibi subditis, & pro Episcopo in omnibus Dioecesis suæ Parochiis unam Missam esse celebrandam. XXV. Sacra menta alieno Parochiano a Sacerdotibus non esse administranda, saltem non obtenta proprii sui Parochii licentia. XXVI. Spoliandos esse jure Patronatus illos, qui Ecclesiæ, Rectoribus eorum defunctis, rebus mobilibus vel immobilibus vel dote exscoliarent. XXVII. Convivia a Sacerdotibus, qui primam Missam celebrant, non instituenda. XXVIII. Parochianos a suis Parochiis formam Baptismi edocendos esse. XXIX. Indebitas Ecclesiarum exactiones omnino vitandas. XXX. In Ecclesiis Cathedralibus & Collegiatis ter in anno publice promulgandam esse Constitutionem Concilii Constantiensis de Simonia. XXXI. Anathemati subjiciendos, qui tempore interdicti mortuos in Cæmeterio sepeliverint. XXXII. Impugnantur Hussitæ. XXXIII. Jubentur Judæi pileum cornutum, fœminæ autem Hebræorum nolam sonantem deferre, ut a Christianis discernantur. XXXIV. Præcipitur, lu-

xum

xum & illicitum mulierum cultum esse Sæcul. XV.  
reprimendum.

A.C.1420.

§. CXCII.

*Statuta & Ordinationes ejusdem  
Synodi.*

In actis ejusdem Concilii post præfatos articulos reperiuntur plura statuta, quæ disciplinam respiciunt. Igitur I. statuuntur poenæ contra concubinarios notorios. II. Prohibetur Clericis, ne secum mulieres juvenes, ac de incontinentia suspectas habeant. III. Ne in domibus suis tabernas teneant, aut laicorum convivia accedant. IV. Ne venationem exerceant, aut taxillorum lusum. V. Præscribitur, quales Presbyteros debeant sibi assumeret Plebani, in adjutorium curæ animalium. VI. Obligandos esse ad Provincialium & Synodalium constitutionum observantiam, & ad deferendos habitus modestos a laicorum vestibus distinctos. VII. Sacra menta sine conventione vel pactione gratis esse ministranda. VIII. Publice delinquentes non esse tolerandos, nec Prælati potestate absolvendi a casibus reservatis abutantur. IX. Pro sepultura nihil extorquendum. X. Statuitur, qualiter adulteri, & concubinarii publici sint admonendi, & ab ingressu Ecclesiæ arcendi. XI. Qualiter se gerere